



UPA 2015/36 & 37
23. april 2015
Múte Bourup Egede

Piitsuussutsip killinganik kingusinnerpaamik UPA 2016-imut atatillugu aalajangersaaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Aaja Chemnitz Larsen, Inuit Ataqatigiit)

Ilaqutariit meerartallit akornanni piitsuussuseq immikkut ukkataralugu aningaasatigut naligiinnginnerup piitsuussutsillu akiorneqarnissaanut iliuusissatut pilersaarudioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut kingusinnerpaamik UKA 2016-imut atatillugu inaarsarneqareersimassaaq.
(Inatsisartunut ilaasortaq Aaja Chemnitz Larsen, Inuit Ataqatigiit)

Inuit Ataqatigiit sinnerlugit Inatsisartunut ilaasortap Aaja Chemnitz Larsenip siunnersuutai imm. 36 aamma 37 paasilluarpagut.

Nunatsinni inuit akornanni atukkatigut naligiinnginnerujussuup annertusiartuinnarnera Inuit Ataqatigiinniit isiginngitsuusaaginnarneqarsinnaanngitsoq isumaqarpugut. Piffissanngorporlu iliuuseqarnissaq. Taamaammat siunnersuutit uku marluk iliuuseqarnissamut siunnerfeqaqatigiinnissatsinnik pilersitsisussaasut qularinngilarput. Tapersernartipparpullu siunnersuuteqartup atukkatigut naligiinnginnerup akiorneqarnissaanut ilaqutariit meerartallit immikkut iliuuseqarfiginissaanik siunnersuuteqarmat.

Inuit Ataqatigiit sulinitsinni qitiutittuarparput innuttaaqatitta ullumikkut atukkatigut pitsaanngitsumik inissisimasut atugaasa pitsaanerulernissaat. Taamaammat naalakkersuisut arlaleriarluta kaammattorpagut akileraartarnikkut aaqqissuuseqqinnissaq inuit qitiutillugit suliarissagaat. Inuit naligiinnginnerat aaqqinneqartariaqarmat – aamma iliuuseqarnissaq pisariaqarmat apuussisarpugut. Avaqqunneqarsinnaanngitsoq tasaavoq, inuit pissakinnerusut atugaat pingaarnertut isiginiarneqartariaqalermat.

Naligiinnerulernissaq angujumallugu suliarineqartussatut kissaatitta ilaat ukuupput:

- Sulinerup akilersinnaasunngorsarneqarnissaa.
- Inuit naligiinnerulernissaannut aaqqiinissamut sakkussanik siunnersuusiortoqassasoq.
- Meeqqat inuusuttuit utoqqaallu eqqornerlunneqassanngippata iliuusissat pilersaausiugaassasut.

Taamak oqaaseqarluta imm. 36 aamma 37 ataatsimiitsitaliamut susassaqtumut ingerlateqqinneqassasut siunnersuutigarpup.